

Tasiilami inunnik isumaginninnikkut pissutsit pitsanngorsarneqarnissaat qularnaarumallugu 2018-mut aningaasanut inatsisissamut atatillugu 2018-mi ukiunilu missingersersuusiorfisuni ukiumut 5 millioner koruuninik immikkoortitsisoqartarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniut ingerlanneqassaaq Kommuneqarfik Sermersooq qanimut ataqatigiissaareqatigalugu..

(Inatsisartuni ilaasortaq, Randi Vestergaard Evaldsen aamma Justus Hansen, Demokraatit)

Akissuteqaat

(Isumaginninnermut, Ilaqutariinnermut, Naligiissitaanermut Inatsisinullu Atuutsitsinnermut Naalakkersuisoq)

Aappassaaneerpeqarnera

Allannguutissatut siunnertuutip siullermeerneqarnerani oqallinnermut pitsaasumut pissanganartumullu Naalakkersuisut qujassuteqarput.

Ilutigalugu Naalakkersuisut Ilaqutariinnermut – Peqqissutsimullu ataatsimiititaliap aalajangiiffigisassatut siunnersuummut isumaliutissiissutaanut, tamatumalu suliarinerani sulilluarnerannut qujassuteqarput.

Naalakkersuisut nuannaarutigaat Ilaqutariinnermut – Peqqissutsimullu ataatsimiititaliami amerlanerussuteqartut, Naalakkersuisut allannguutissatut siunnersuutaat tapersermassuk, soorlu tamanna aalajangiiffigisassatut siunnersuutip siullermeerneqarnerani akissuteqaammi takuneqarsinnaasoq.

Pitsaasuvoq Tasiilami isumaginnikkut unammilligassat aaqqinniarlugit ukkassisoqarmat piumassuseqartoqarmallu. Pingaartuvoq paasisitsissutigissallugu Tasiilami unammilligassat isumaginninnerup iluani suliniutinik taamaallaat aaqqinneqarsinnaangimmata, taamaammallu suliassaqarfinit arlariinnit ataatsimoorussamik assigiinngitsutigut iliuseqarnissaq pingaaruteqarmat, matumani pineqarlutik suliffissaqartitsiniarneq, ilinniarfeqarfiit, inissiaqarneq, pitsaaliuineq katsorsaanerlu.

Taamatut oqaaseqarlunga Naalakkersuisut qujaffigiumavaat allannguutissatut siunnersuummut tapersersuisut, kiisalu oqallinnerit pitsaasut aalajangiinissamut siunnersuummut immersueqataasut.